



Inatsisartuni ilaasortaq,
Pele Broberg, Partii Naleraq
Maani/

§ 37 naapertorlugu apeqquteqaammut nr. 094-imut aalisariutit avataasiortut ukiut 25-t sinnerlugit pisoqaassusillit kiisalu ukiui agguaqatigiissillugit amerlassusaat

18-02-2019
Suliap normua
Allakkat nr. 10086766

Inatsisartut suleriaasianni § 37-mi imm. 1 naapertorlugu Naalakkersuisunut apeqquteputit aalisariutit avataasiortut pillugit. Apeqqutip akineqarnissaa suliassaqaarfinnut innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

- 1. Aalisariutit avataasiortut, ukiut 25 sinnerlugit nutaanngissusillit, qularnaatsumik amerlassusaat Naalakkersuisut paasissutigisinnaavaat? Naalakkersuisut qulaajakkap takutinnissaanut peqquneqarput.**
- 2. Aalisariutit avataasiortut tamarmiusut agguaqatigiisillugit nutaanngissus-aasa ukiui Naalakkersuisut paasissutigisinnaavaat? Naalakkersuisut qulaajakkap takutinnissaanut peqquneqarput.**

Akissut:

Aallaqqaammut § 37 nr. 070-imut apeqquteqaammut assingusumut akissutigisara innersuussutiginiarpara, sinerissap qanittuani aalisariutit pisoqaassusaannut tunngasoq.

Nunatsinni aalisariutit nalunaarsorneqartut tunngavigalugit angallatip GR-normua malillugu avataasiortut – 75 BRT/120 BT-mik anginerusut, paasissutissiissutigineqarsinnaavoq, angallatit nalunaarsorneqartut 45-ummata, taakkunanga angallatit 23-t ukiut 25-t sinnerlugit angallatillu aqqaneq-marluk ukiut 25-t inorlugit pisoqaassuseqarlutik. Ukiui agguaqatigiisillugit tassaapput 29,9.

Angallatini 45-ni maannakkut 2018-imi akuersissuteqanngitsut quliupput. Isaterneqarsimasinnaapput allatulluunniit aalisarnermit atorunnaarneqarlutik, angallatinummi paasissutissat aatsaat akuersissutinik atuutilersitsinermi nutarterneqartarmata.

Angallatit 2018-imi akuersissutillit kisiisa isigissagaanni ukiut 25-t sinnerlugit pisoqaassusillit 23-upput ukiullu 25-t inorlugit pisoqaassusillit aqqaneq-marluullutik. Ukiui agguaqatigiisillugit tassaapput 27,8.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq



Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqquut:

- 1. Aalisariutit avataasiortut, ukiut 25 sinnerlugit nutaanngissusillit, qularnaatsumik amerlassusaat Naalackersuisut paasissutigisinnaavaat?
Naalackersuisut qulaajakkap takutinnissaanut peqquneqarput.**
- 2. Aalisariutit avataasiortut tamarmiusut agguaqatigiisillugit nutaanngissusaasa ukiui Naalackersuisut paasissutigisinnaavaat?
Naalackersuisut qulaajakkap takutinnissaanut peqquneqarput.**

(Inatsisartunut ilaasortaq Pele Broberg, Partii Naleraq)

Tunngavilersuut:

Aalisariutit avataasiortut ukiut 25 sinnerlugit pisoqaassusillit, agguaqatigiisillugillu ukiui, amerlassusaasa qulaarjarnissaat apeqquutiginnissaat pissusissamisoorpoq.

Apeqquutit ullut suliffiit qulit (10) qaangiutsinnagit akineqarnissaat kissaatigaara.